

ნახ. ბ. ზუბაშვილისა




თითქმის ხუმრობით

აღარაა მეტი ჩარა, —
 რახან გულმა მომატეხა, —
 უნდა ავიღო იჯარით
 მილიონი კაცის ზეპუა!
 მილიონს თუ ვერ ვიზოვი,
 ნახევარზეც თანახმა ვარ,
 არ დავგაღავ, — სხვათა ზორის,
 დიდძალს ველი შემოსავალს!
 ეს საქმე რაც დამიჯდება,
 ამას, ალბათ, მე მიხვდებათ:
 ზეპუს კოლოფი სჭირდება,
 გეგრს კი — ზეპუს კოლოფები!
 ზეპუა რომ დაჯდება ქვირი,
 არავინ არ გაიკვირვოს,

მაგრამ თუ არაა ვირე,
 მაინც უნდა შეიძინოს!
 ნამეტს სახელმწიფო ფონდში
 გადავრიცხავ უსათუოდ,
 რადგან ამ ჩვენს მიიღე დროში
 დეფიციტი არის ზეპუს!
 ზეცასა და მიწას შუა
 ლაილაი იხმის ბევრი,
 ამიტომაც გვმართებს ზეპუ,
 რომ არ გავხსაროთ მთარი!
 აღარაა მეტი ჩარა, —
 რახან უვალამ მომატეხა, —
 უნდა ავიღო იჯარით
 წინაპართა დიდი ზეპუა!

ელდარ კერქევაძე



პამფლეტი



ეს მესამე ხელი დიდი ხანია არ აღმომიჩენია. თურმე მქონდა, მაგრამ, როგორ ვთქვა, შრომაში დახმარება მისგან ნამდვილად არასდროს მიგრძნია!

ჩვენ ვიცით, ბუნებაში ხდება ათასნაირი სასწაულები: ოთხი ხელით, ოთხი ფეხით, ორი თავით იზადებიან ადამიანები... მე კი ჩვეულებრივად ორი ხელის და ერთი თავის პატრონი კაცი ვარ, მაგრამ ეჭვი გამიჩნდა და, როგორც თავში ვთქვი, სამი ხელის მფლობელი გავმხდარვარ! არ გეხუმრებით! აქ დაუჭერებელი არაფერია და ამიტომ ქუჩაში არავინ გამაჩეროს შეკითხვით: „ამხანაგო, სად არის თქვენს მიერ წახსენები მესამე ხელი?!“ ნუ იქნება ასე სიტყვაზე გამოკიდება, თორემ მე შეტს ვიტყვი: კომუნიზმის გარიყრაუს ხედავდით?! მე კი, ვფიცავ, ნამდვილად არ მჭეროდა, რადგან გამომხმარი კუჭი დავლურს უვლიდა და რომელ კომუნიზმზე იყო ლაპარაკი?! და თუ ახლა იმ მესამე ხელზე ავლაპარაკდი, ვი-

ცი, ჩემი არ არის და ვერც ვერავის დაფაძლუნებ, დახსნა ხეთ-მეთქი! როცა მე თვითონ ვერა ვხედავ, სხვა როგორ დავარწმუნო, მაგრამ მესამე ხელის ძალა ტყესავით ხშირი იყო დარბაზში და ამიტომაც ვირწმუნე! არ ვიცი, საკუთარ თავს წავეჩხუბო თუ ხელებს. ბოლოს და ბოლოს, შეც ორივე ხელი ჩავიქნიე, მაგრამ მესამე ხელი მაინც არ მომეშვა. ჩემს ხელებს ეუბნება: ვიყოთ სამივე ერთად, მე თქვენი უფროსი ძმა ვარო!

ის მესამე ხელი ჩემს ორივე ხელზე დიდია. მან იცის, როდის უნდა დაუკრას ტაში და სხვებიც აჰყვებიან. ტაშის დაკვრა იოლ საქმედ ჩანს დაყვირებასთან შედარებით. სიტყვების გარჩევა მიჭირს, მაგრამ ამას დიდ ყურადღებას არავინ აქცევს, ოღონდ ხმაური იყოს და არ შეეცეს არასასურველ დეპუტატს სიტყვის დამთავრების საშუალება!

რა კარგად იყო ძველად: დარბაზში ბუზის გაფრენას გაიგონებდი! არა, ტაში მაშინაც იყო და უფრო მეტიც, მაგრამ გასარკვევი არაფერი გვქონდა, ჩვენს მაგივრად სხვები ფიქრობდნენ, ჩვენ კი მათ მაგივრად ვუკრავდით ტაშს! ახლა, დღევანდელ სიტუაციაში, თუ არ გაგარკვიეს, ვერ მიხვდები და ამიტომაც დეპუტატთა უმრავლესობას დაგვჭირდა მესამე ხელი!


კუპურის კუპულაძე

ქ. ლანჩხუთი



ნ.ბ. მ. აბაშიძისა

თბილისური კოოპერატივების უპირატესობა.




საინფორმაციო

შაბათს, 29 ნოემბერს, 18 საათზე კულტურის სახლში ჩატარდება საზოგადოება „მეგობრობის“ დამფუძნებელი კრება.
დღის წესრიგი:
1. საზოგადოების წესდებისა და პროგრამის პროექტის დამტკიცება.
2. საზოგადოების თავმჯდომარისა და გამგეობის წევრთა არჩევნები.
3. საზოგადოების დაშლა.

22 ნოემბერს სახლიდან გავიდა და არ დაბრუნებულა ქ. თბილისში მცხოვრები 22 წლის შინა კვირიკეს ასული ჩქარეული. იგი არის 172 სმ. სიმაღლის, გამხდარი, ქერა, ცისფერი თვალებით, ოღნავ კეხიანი ცხვირით. აცვია ცისფერი პერანგი და ღია ვარდისფერი მოკლე ქვედა კაბა. კისერზე, მარჯვენა მხარეს, აქვს პატარა ხალი. ატარებს ლურჯი ფერის ტყავის ხელჩანთას.
თუ რამეს შეიტყობთ მასზე, გთხოვთ დარეკოთ 7-34-91-ზე!
მოქალაქე ზ. ჩქარეული სხვა დროსაც რამდენჯერმე გასულა ასე სახლიდან!..

დედაქალაქში, რიყის ქუჩაზე, გაიხსნა კოოპერატივი „თანად“. მსურველებს შეუძლიათ ნებისმიერ დროს, ლხინის სუფრა იქნება ეს თუ ქირის, გამოიძახონ მალაკვალიფიციტური თამადა, საქირობისამებრ — მოადგილით ან მოადგილეებითურთ!
ტრადიციული სადღეგრძელოს ფასია 18 მან. და 26 კაპ., ხოლო თავისუფალია — 24 მან. და 72 კაპ.
სადღეგრძელოთა რაოდენობაზე წინასწარ გაფორმდება ხელშეკრულება (გარდა დაბრუნებითი ქორწილისა).
აქვე შეგიძლიათ შეუკვეთოთ განსხვავებული სასმისები.
შეკვეთები მიიღება ყოველდღე, 8-დან 20 საათამდე. შესვენება 2-დან 3-მდე.
მობრძანდით, გელით!

ნომადი ბართაია



მოლაპატე

ვინაც დღეს გულში ჩუმად ქირქილებს და ჩვენს მომავალს ამრეზით უმზერს, ვინც უღირსთათვის წნავდა გვირგვინებს, ვინაც სინდისი გაყიდა ფულზე, ვინაც ფულებით იყიდა სკამი, სავარძელი და მაღალი პოსტი, ვინაც ხალხისთვის არ ფიქრობს წამით და გასამრჯელო პაკეტით მოხდის, ვინაც კვლავ დიდი პოსტი უჭირავს და იმ ადგილის არ არის ღირსი, ვინაც აცხოვრა ხალხი დუხჭირად, არ აწუხებდა ტკივილი სხვისი, ვინაც ფულებში ახლაც იხრჩობა, ვერ მოაშორებს იმ რბილ სავარძელს, ვინაც უქებენ კაიბიჭობას (ლამის ქებისგან ცაში ავარდეს!), ვის შინ და გარეთ თან ჰყავს მოახლე დიდი ფულის და სავარძლის პატრონს, ვინაც აშინებს დროის სიახლე და კვლავ ძველებურ ცხოვრებას ნატრობს, ვინაც გაყიდა ტყე და ბილიკი, ქართული ბალი და აგარაკი, თანაც ზემოდან დაგვეცქერს ქილიკით, ცხოვრება მისთვის არის არაკი, ვინაც სიცილიად არ ვყოფნით ამ დროს, ძველი იერი სულ არ შეცვლია, დიდი ადგილის და მადის პატრონს ვინაც არგუნეს დიდი პენსია, ვინაც წაართვა სხვებს ყველაფერი და შინ წაიღო ლამის უკლებლად, ვინაც არ დარდობს მომავალს ერის, მის დაღუპვას თუ თავისუფლებას, ვინც დასცინოდა მამულზე მლოცველს, ერის ღირსება შებილწა მტვერით, ანგარებისთვის გააგდო მოძმე და მის ადგილზე მიიღო მტერი, ვინაც მზად არის ფეხქვეშ გათელოს ხალხის მიწანი — ნათელი მზისებრ, ვინაც არ სჯერა, რომ საქართველო თავისუფალი იქნება ისევ, ვინაც იხელთა დრო წუთისოფლის და დაიმკვიდრა სახელი მოძღვრის, ვინაც არასდროს უღვრია ოფლი (სისხლი კი დვარა მოყვრის და მოძმის!..), ვინაც მამულზე სუფრასთან მღერის გულშხამიანი, პირმოძმინარი, ჯიშით ქართველი, ქართველთა მტერი და მოლაპატე, აი, ვინ არის!

ვანო ცინცაძე

— მაგალითად, რას კირკიმალობ შენ?! — მითხრა სოლომონიჩმა, — ჰოდა, ზომიერებას თუ არ მოუხმობ მაგალითად, სამაგალითოდ და უმაგალითოდ გამოგიცხადებ... მეოთხე საყვედურს!

— თქვენ, მაგალითად, — ვთქვი მე, — სამაგალითო ადამიანი ბრძანდებით, მაგრამ ამ შემთხვევაში, ვფიქრობ, ტენდენციური! ამდენად, პლენონაზმის მიზეზებში რომ გაერკვეთ, უპრიანიია!

— რა დროს პრიანიეობა?! — თქვა მან, — მაგალითად, როდის დაამაგალითებ რეფერატის შესავალს?! მაინც საიდან მოიტანე ეს პრი...

— ანიკი კი არა, უპრიანი! — ვთქვი მე, — ეს, მაგალითად, ნიშნავს იმას, რაც სამაგალითოდ სარქაროა, ანუ სხვანაირად — საშური! ხომ გამიგეთ, სოლომონიჩ?!

— ვერაფერს ჩაწვიდი! — თქვა მან, — რამდენადაც თავს ვერ უყრი სამაგალითო მაგალითებს!

— მესმის, ბატონო, — ვთქვი მე, — ტრიფონისგან გადმოვიღებ მაგალითს და სამაგალითოდ დავამაგალითებ დაუმაგალითებელ მაგალითთა მაგალითებს!

— მაგალითად, სამაგალითოდ და კიდევ უფრო სამ... მაგალითოდ, — თქვა მან, ამიერიდან, სტილი თუ არ შეცვალე, აღარ ნავიკითხავ შენს ქალაქებს, რომლებშიც ჩამაგალითებული აღმორჩნდება მაგალითების იცი, რას ნიშნავს ეს?! იმას, რომ ამიერიდან მაგალითების გარეშე ჩააჭიკჭიკებ უმაგალითო მაგალითებს!

— ეს როგორ?! — ვთქვი მე, — ორივე შემთხვევაში ერთდროულად უმაგალითოდ და სამაგალითოდაც?! სამაგალითოდ და უმაგალითოდ... ამუ... ამუ... სამ... უჰ!..

— დიას, თქვა მან, — სწორედ ასეთ კონტექსტებში, — მაშასადამე, შენთვის ამიერიდან აღარ არსებობს სიტყვა მაგალითად: მე ფილოსოფიური კატეგორიები, კვინტესენციები თუ დასკვნები მჭირდება და არა მაგალითები!.. ჰოდა, ამ მინუთში

დასკვნების შესასრულებლად სასწრაფოდ გავიჭერ, მაგრამ ოთახში ვერ ჩავირაზე: სამაგალითოდ კარი კი არა, უმაგალითოდ ფანჯარაც არა აქვს!.. და მე საწყლად შევები მაგალითების ოქვანეს!.. იმდენ მაგალითსაც ნავაწყვი, უმაგალითოდ დავიქანცე. მაგალითები — მარჯვნივ და მარცხნივ, ზემოთ და ქვემოთ, აღმა და დაღმა, ნაღმა და უკუღმა; აქეთ და იქით, იქით და აქეთ!..

ამ ორომტრიალში გული ცუდად გამიხდა და ხელი ვტაცე მაგიდაზე სამაგალითოდ დასვენებულ ტელეფონს, უმაგალითოდ რომაა დანჯღრეული, სამაგალითო ციფრებიც ავკრიფე და სამაგალითოდ ლამაზი ტემბრის ხმამ ერთგვარი შებვა მომანიჭა:

— მაგალითად, რა ხდება?! — ჩამესმა ყურმილში, — რა ანუხებს ავადმყოფს?! — სწორედ მაგალითი, — ვთქვი მე, — მისი მდგომარეობა უმაგალითოდ საშურია!..

— უი, უი, უი! — თქვა მან. — რომელი საშაა ცუდად?.. ის

ხომ არა, სამაგალითო მაგალითების კვლევით ინსტიტუტში რომ იღვწის და ასეთ საკანდიდატო თემას წერს: „იხვები და ბატები არიან თუ არა წყლის მოყვარული ფრინველები?“

— დიას, დიას, — ვთქვი მე, თქვენ საიდან იცით ეს ამბავი? იქნებ უშველოთ რამე, თორემ მაგალითები ტვინში აუფარდა! ბრიგადის მოსვლამდე როგორ მოვიტყე?!

— პირველ რიგში, — თქვა მან, — სუფთა ჰაერზე გაიყვანეთ! ჰკითხეთ, ტინკები ხომ არ ელანდება?!

— მე რე? — ვთქვი მე. — თუ გარკვეულ პასუხს ვერ მიიღებთ, — თქვა მან, — აუხსენით, რომ თეთრხალათიანებმა, შესაძლებელია, ამ შემთხვევაში სამაგალითოდ შერჩეულ შპრიცებს მიმართონ და უმაგალითო ზომებსაც — ინექციების კეთების საქმის დასამაგალითებლად გაიგეთ?!

— მე კი გავიგე, — აფვირდი მე, — მაგრამ სოლომონიჩმა დამაკისრა, რომ საშუ... საშურრ... საშური კი არა, უპრრ... უპრიანი კი არა!..

— რაებს ბოდავ, კაცო?! — სიზმრიდან გამომიყვანა მეულემ, — ვის უხმობ? აქეთ, საშა, საშაო, იქით ნატაშაო! მე შენ გირვენებ ნატოს! ელიზაბეტი არ გინდა?!

— მაგალითად, — ვთქვი მე, — რატომ მაყენებ ესოდენ უმაგალითო შეურაცხყოფას მე, პურიტან კაცს?!. სოლომონიჩის ბრალია ყველაფერი, სული ამომხდა, მაგალითების ჭაჭანება არ დამანახო!..

— მე რე, — თქვა ტურფამ, — შენც გაჩუმდი! მართლაც, რა ჭირად გინდა ვილაც ელიზაბეტი?!. უი, შეშეშალა... ელიზაბეტი კი არა, მაგალითები. უმაგალითოდ უფრო ადვილი არ არის ცხოვრება?!

და მეც ბრწყინვალე იდეა მომივიდა თავში: მაგალითების ნაცვლად სრულებით ახლებურ კონტექსტზე გადასვლა. მაგალითად, რით არის ერთსიტყვიან „მაგალითო“ ნაკლები სამსიტყვიანი „ცეცხვა-თამაშის საქმე“ და თუ არის, „ძილის საქმე“ ხომ წყალი არ გაუვა, ან კიდევ „ჭამა-სმის“ საქმეს?!.

მეუღლესაც ვუთხარი, ძილის საქმეში ხელს ნუ მიშლი-მეთქი და სამაგალითო ძილის საქმედ განვარძლე, რადგან მეორე დღეს დაწყობილების თანამშრომელი თავად მყავდა სამაგალითოდ დასასაქმებელი.



ხევა კობნისა ვილ!..

ცილი რა არ დაგწამეს, სამართალი არ არის?! — ჩვენი მიწა უოფილა სამარტლის და თათარის!.. მათი სახეც გამოჩნდა თანამოძმის ნიღბიდან, ხვის მწეს რომ იფიცებუ დიდი ზურგის მიღმიდან!.. ტყვიას ისე გვეცვრიან, ვით ლაჩართა წყისა! — ჯაღათების ჯარი და ხროვა შემოგვეცხია!.. ჯაშუშობით, სიბილწით, უხამსობის ძახილით მერმე ტყვია გვესროლეს, ზურგში ჩავცვეს მახვილი!..

ჩემო კარგო ქვეყანავ, რამდენს უნდა კენსოდე, კენტად მითოვებულო, დაქანცულო ეხოდენ?! სიკეთის და სიბოხის სავანე ხარ ნათელი, რაინდი და შემნდობი მითომ არის ქართველი! შუა გაჩნდა უფსკრული.. საქართველო ერთია! სიმალის და სიმდაბლის განმკითხავი ღმერთია! ჰოდა, ვინაც გაბედა, რას ფიქრობდა, ნეტავი?! დავგვესლა და დავგვიკრტანა! იყო რკინის მკენეტავი?! როგორ უნდა იარონ შერცხვენილი სახელით, ცოდვით მარადიულოთ, გამყიდველოთ სამხელით?! სიძულვილი ასეთი — გამტანობის პასუხად?! რისხვას მართლმსაჯულების ვერა, ვერსად წაუხვალთ!



პარღონ მაესტრო!

... და ტყემ ისე მოიწუნა, კვნისი გოდებ-გოდებით! —
უვლამ როგორ იგალობოს ერთნაირი ნოტებით?

აბა, ისე ვინ იმდერებს, ვით პაწია ბულბული?! —
მაშინ უნდა დადუმდეს ქვეყნად უველა სულდგმული!

წოილი კი ამას ითხოვს, სმენასთან რომ მწყრალად დგას
და მზად არის მბრძანებელი, ყვავს გვირგვინი დაადვას!

სხვას გაუგებს განა ყვავი?! — მჭირადვი და ბეცია..
მას არ სურდა, ფრინველთ გუნდი სროვად გადაექცია?!
სოლისტობე აჩქემა, დირიჟორიც ის არის,
ფაღშიაო, — სულ იძახის. — სხვისი ნაცოდვილარი!

ფეხბურდლები კი არადა, ხატონების ღმერთებიც
სულ არ მოსწონს მაესტროს, განა — წოგირთები?!
ბელინი და როსინი, ვერდი, გუნო, შოპენი,
ბეთოვენი, ბოროდინი, რემბრანდტი და გოგენი,

ჩოსტრი და შექსპირი, რუბენსი და დიკენსი,
ბაირონი, ჰაინე, ჰიუგო და ჩივერი.

ბახი, გალაკტიონი, სერვანტესი, შილერი,
მოპასანი, ჩელინი, მერიმე და გლიერი...

თუ რა დღეში ვიმყოფებით, აღბათ, არის ნათელი:
მწიხებრ გაჩახახხდება ერთი ციცქნა სანთელი?!
მეც არ მომწონს მაესტრო განა ფერით შავითა, —
შავე გულით შოგნებს ახირებთ ავითა, —

რონ წევსია სიმღერისი ო, წმინდაო მარიამი!
ყურთახმენა წაილო ამ სოლისტის არიამ!..

ნოქტიურნებს თხზავს და თხზავს, შეკვრად დიდზე დიდია,
რომ არავინ ასრულებს, ეს ფეხებზე ჰკიდაი!..

ხამართალიც ის არის, ახტენია ქავილი,
თვითონ უქცევს ჩვენსამებრ, აკრთობს ჩვენე ჩხავილი..

თუ გავფანტა გუნდიდან, სცენაც დარჩა მაესტროს,
კუას მაინც მოუხმოს, დიდებას არ დაეთროს!

ყვავი მაინც ყვავია, ვერ გავხეხავთ ქვიშითა,
სხვების ხმებს რომ იწუნებს, მას რა მოსდგამს ჯიშითა?!

ილუსტრაციები ჯ. ლოლუასი



უნდა მოეწეოს გარაუები კერძო მანქანებისათვის, რათა ეწოები
და ქუჩები არ წარმოადგენდნენ ავტოსადგომებს. უდიდესი დანა-
შაულია ის ფაქტი, რომ თბილისელ ბავშვებს წართვეს ეწოები.
გ ა ზ ე თ ე ბ ი დ ა ნ



ნახ. გ. ლომიძისა

— ბავშვებო, კლასობანა, სკოლაში წადით და იქ
ითამაშეთ!



ნახ. ჯ. ლოლუასი

გადაგზავნის დაყოვნებით
ესევიან ყვავ-ყორნები!..

მეცნიერების მსოფლიო

საქართველო
1993

ავადმყოფს წულულზე რაღაცა დაადევს ჰაიბარად.
თან სასწრაფოში დარეკეს:
„გვიშველეთ! ჩქარა! ჩქარა!“
დაღამდა!..
როგორც წესი,
სასწრაფომ არ იჩქარა!
თუმცაღა კირისუფალი
არ იყო მეტიჩარა,
რომ დაინახა, არ იყო
მეტი გზა, მეტი ჩარა,
სასწრაფო ახლა მეორედ
სასწრაფოდ დაიბარა!
მოვიდა მაინც? — არა!
უძრავად იწვა ბედკრული,
ბედშავი ავადმყოფი,
კრიჭაშეკრული,
„პირამოკერილი“, უგონო!..
და ხანამ სასწრაფო მოვიდა, —
მეხუთედ გამოწერილი, —
ინ ავადმყოფმა წაიღო
საიქიოში წერილი!..

ღრუბლებმა
მზე არ ამოუშვეს
ან დილით ცაზე,
შულამისას დაწყებულ
გრძელდება წვიმა!..
სისველისაგან იგრინება
პარკეტი ნაწი
და გაბზარულ კერს
ბველებურად
„ცრემლები სცივა“.
ვხედავ მეზობლის სახლის თავზე
დამტკრეულ კრამიტს,
ვხედავ, ტაშტებში თქართურ
გაუდის წვიმას!..
ვხედავ, ოთახში ქალი დარბის
სოველი კაბით,
ვხედავ:
ბავშვები ატუშულან
მაგიდის ძირას!
წვიმს!

უველაფერი, უველაფერი
სველდება თვალწინ,
გაბზარულ კერში ეცემიან
წვეთები მწკრივად,
ბინა სველდება,
კუთხე-კუნჭულს
ულმერთოდ აწვიმს,
შესახლებიდან დღემდე გასდის
სახურავს წვიმა!..
თუ აღარ ახსოვთ,
შევახსენებ,
იქნება ღირდეს,
და რამდენჯერაც ჩემს ბინაში
თოვდეს და წვიმდეს,
ვისაც ეკუთვნის,
გავუგზავნი გინებას იმდენს!

მედიკალ-გამომცემელი

— მოგწონს?
პასუხი არა!
დახლთანა ვდგავართ,
წვიმს!..
— არა,
იქნება არ მოგწონს?..
კი ნუ გრცხვენია,
თქვი!..
ლაპარაკია ტუფლებზე
(როგორც აღნიშნეთ,
წვიმს!..
ტუფლი კი,
მოგეხსენებათ,
კარგია, როცა წვიმს!
— მოგწონს?!
ჰა!
(ისევ დუმილი.
ჩაცმასაც აღარ მაცლის).
ვიცვან, გავდივარ გარეთ და
წვიმა ტუფლს ლანჩას
აცლის!

საგაზაფხულო

ქართლო,
გახედე ქსანს!
გახედე ვერეს, მტკვარს,
სიბინძურისგან ყარს,
მატლი ეხვევა გარს!..
ვერც ვედარავინ სვამს,
ვერც ვინმე იბანს ტანს,
ვინც ამ წულებითა რწყავს.

ნაყოფად იწვევს შხამს!
როდემდე გავდგეთ განს?!
ვითმინოთ რამდენ ხანს?!


აკივდა.
უკვე აცივდა,
მთელი ქალაქი ცაცხაბებს,
ჩვენთვის კი მაინც
არ სცხელათ,
გათბობის ქსელის
თავაკაცებს.
მზე ღრუბლის მონა
გამხდარა,
ანათებს,
ველარც ანათებს,
ხალხი ფეხებზე ჰკილია,
ურცხვც რომ „მოიკალათებს“!

ვირბინოთ... ვირბინოთ!

ნიავო,
რა დროს ხეებთან კამათია,
ორ დღეში რვა მარტია!
მეუღლემ ოხვრით და
ტირილით გაათია,
რადგან ვერ მიიღო
საჩუქრის გარანტია!
მეუღლის ცრემლი თუ
„უვითელი ბარათია“,
სიღედრის მუქარა
დღეს ჩემთვის შამათია.
უყურადღებობა განა მამატია?
უვავილის ლარნაკი
თავზე დამამტკრია!..
გახედე!
გახედე!
რა კარგი ველია!..
სახლში არც ხორცია
და აღარც ყველია!
ვირბინოთ! ვეძებოთ!
სირბილი მხსნელია!
ოჯახში ქალები
საჩუქრებს ელიან!
სირცხვილით, სირბილით
პერანგი სველია!
ხელფასზე ცხოვრება,
ო, რარივ ძნელია!

ნიკოლოზ იოსებიაძე

ნან. ბ. ზუბაშვილისა





იუმორისკა

პროფესორ ლენტორ ღარიბაშვილს ორ-
ეული რომ ჰყავდა, მან ამის შესახებ, მიუ-
ხედავად ღიმილს განსწავლულობისა და თანდა-
ყოლოლი ინტუიციისა, არაფერი იცოდა.

პროფესორის ორეული ქუსა ქუსლიკებ-
ნიაშვილი მცირე ყალიბის თაღლითი იყო და
წერილობანი აფიორებით გადაიღოდა ფონს,
ხელეწიფებოდა საბუთების გადაკეთება,
ყალიბი პირადობის მოწმობის, საშვისა თუ
ლილომის გაიმსქნება, შინაგანად კი უფრო
ღიმილს მასშტაბის აფიორისათვის ამზადებდა
თავს. იმ სტილიში იყო, რასაც შემოქმედ-
ებითი ძალები გაფურჩქვნის ასაკს ეძახიან.
მხოლოდ ბედნიერი შემთხვევა აკლდა, რომ
მისი ტალანტი ვნების ყვავილივით გადაშლი-
ლიყო.

შემთხვევამაც არ დააყოვნა: პროფესორ
ღარიბაშვილის სურათი რომელიღაც არანაკ-
ლებ ბედნიერი შემთხვევის გამო გახეთის
პირველ გვერდზე დასტამბეს.

ქუსას მისი დანახვისთანავე აუტუნტრუდა
აფიორის მუხა. მან დაწვრილებით მოიკვლია
ლენტორის წარმომავლობა, ნათესავთა წრე,
შეისწავლა მისი ბიოგრაფია.

ქუსაც ლენტორივით ჰქვია იყო, ბატვიით
თეთრი და მალაქსერა, ოღონდ ცოდნითა
და გამოცდილებით ბევრ ბატს ჩამოიტოვებ-
და უკან.

ლენტორი ავადმყოფი კაცი იყო, სამსა-
ხურში მანქანით მიჰყავდათ, მაგრამ ვიდრე
ლიფტში შევიდოდა, გულის ვასამაგრებლად
იქვე პატარა სკვერში უყვარდა ჯღომა, თუმ-
ცა მოახლოებული მისაღები გამოცდები ამ
მცირე განცხრომაზეც ააღებინებდა ხოლმე
ხელს — ხალხს ემალებოდა!

წელსაც ასე მოხდა, ლენტორის თვალის
დამკვრელი არაინი იყო.

ქუსა ქუსლიკებნიაშვილმა თავისი იშვიათი
აღლოთი იგრანო, რომ სამოქმედო დრო და-
უდგა. სკვერში შევიდა და ჰაერი დაყნოსა,
ფულის სუნი ხომ არ ტრიალებსო, მერე
ლენტორისეული მანერით თეთრ წვერში ხე-
ლი შეიკურა და აკადემიურ პოზაში გაიყინა.
აქოდა, ფიქრებში ვარ წასულიო.

— ბატონო ლენტორ! — მოგსმა ცოტა
ხნის შემდეგ ქალის სასიამოვნო ხმა, — ხუთ
წუთს წავართმევთ, მეტს არა! — გვერდით
მიუჯდა და ჩურჩულზე გადავიდა.

— მათემატიკა სახუმარო საქმე არ გახ-
ლავთ!.. — ჩიოდლუნდა.

— ვიცი, ბატონო, რა რა ღირს, მთვარი-
დან კი არ ვართ ჩამოფრენილი?!

ეს იყო პირველი მერცხალი, მერე კი...
სამუშაო საათების შემდეგ სკვერში იმ
სკამს, სადაც ქუსა ქუსლიკებნიაშვილი იჯდა,
საქვიდ თავდახრილი კლიენტები უახლოვ-
დებოდნენ, ოღონდ საითათოდ, ერთმანეთის-
გან დაშორებულები საამო ინტერვალთ. მათი
საუბრის მხოლოდ ნაწყვეტები თუ გაიგონებ-
და დაფაცობული ყურის:

— ჩახველება უკვე გაყიდულია ქალბ-
ტონო!..

— ლოყის მოფხანაც და ყურის გამოჩიქ-
ნაც ეს არი წაიდეს!..

— თვალის ჩაპაქუნებაც და ტუჩების მო-
ლოკვაც!.. სხვისი ჩიქნა უზრდელობად
ითვისება!.. ვითუ, სულ გამოაძვირონ გამო-
ცდიდან?!

— რა მეშველება?! — ქალმა ლოყაზე შე-
მოიწნა გრძელთითება ხელი.

— კეფის მოფხანა დამჩია!..

— კეფა ნამეტანი შორია, რომ ვერ მიაგ-
ნოს ბავშვმა და სხვა რამეზე დედის ხელი?!

— სხვა ვერაფრით დავცხმარებები!..

— რა გაეწყობა!.. იყოს, ბატონო, კეფის
მოფხანა!..

...პროფესორი ლენტორ ღარიბაშვილი
ჩვეულებრივზე ადრე გამოცხადდა სამსახურ-
ში, საგამოცდო დარბაზში უკან კარათ ავი-
და, გამოცდა ჩვეულებრივად დაამთავრა,
მაგრამ გამოცდის მომდევნო დღეს შემთხვე-
ვითადად ამბავი, უფრო ზუსტად, საღამოს,
როცა სიები გამოაქრეს.

ბატონი ლენტორი ვალმოხილად თვლიდა
თავს და სანამ შინ წავიდოდა, ცოტა წინე-
ბივრა — თავის საყვარელ სკვერში შეიარა.
მისი გამოჩენა იყო და — ყოველის მხრი-
დან მუშტების ქნევი შემოეხვივნენ მას გა-
კახებულნი ქალები.

— მაგ თეთრი წვერისა მინც ალარ
გაცხვენია?! — წაუსისინა ერთმა.
— ახლავე დაყავე ჩახველების
თორემ მილიციას დავუძახებ!
— მე ლოყის მოფხანისა გადავიხდებ
მუშტი ცხვირთან მიტუნა მისამემ.
— მე ყურის გამოჩიქნისა!..

ლენტორმა ჯერ მრავალგზის დაახამბამა
შინამდგარი მარტი თვლები, მერე გულზე
შეივლო აცხახებულნი ხელი და იქვე ჩაი-
კეცა!..

რა შეატყვეს, ფული გვეყარგებო, ჩაჭრი-
ლი აბიტურიენტების მშობლებმა საშინელი
ღრიანცელი ატენეს, გულწასულ პროფესორ-
ზე მიიწვედნენ, ცემით უპირებდნენ გამო-
ფხიზლებას!..

ამ დროს ფაშაშა ქალბატონი გადმოხტა
ტაქსიდან და შორიდანვე უყვირა გაკახა-
ბულ ქალებს:

— ამ ანგლოზივით კაცს რას ერჩით,
ხალხო?! აი, ვინ არის თქვენი დამლუგე-
ლი! — ჩანთიდან ქუსას სურათი ამოუღო და
თვალწინ აუფრიალა.

— ახლავე წაგვიყვანე მასთან! — უყვირეს
ფაშაშას ყველაზე ჯანიანმა ქალბატონებმა
და დამუშტული ხელებით წინ წამოდგნენ.

— მე თვითონ სხვებმა გამომასწავლეს
აქეთ! — მწარედ ჩაიღიმილა მოსულმა.

— იცი და გვიძალაჲ! — ალყა შემო-
არტყეს.

— თქვენ კიდევ რა გიჭირთ, — ამოიხრა
ფაშაშამ, — მე მინისტრად შემომბატყუ-
თავი და სამ დღეს ვყავდი ცოლად!..

ქალები კი ვიშვიშებდნენ. თეთრწვერა პრო-
ფესორი კი გულწასული იდო გრძელ სკამზე.
თანდათან გონს მოდიოდა, ნელა უბრუნდ-
ებოდა სინამდვილეს, ატეხილი ყაყაინდან
მხოლოდ ის გაარკვია, რომ ამ სიბერის ყამს
ორეულის სახით ეშმაკი აედევნა და რაღაც
უბედურება იყო მისგან მოსალოდნელი.
პირჯვრის გადაწერას ლამობდა, — ვერ მოე-
ხერხებინა, თვლების გახელა ეწადა, —
ვერ გაეებდა!..

და იწვა ასე ქუსა ქუსლიკებნიაშვილის
მიერ დაქვნილი ბ.წ. იარაღად გამოყენებუ-
ლი და მიგდებული კაცი.

ელგუჯა მერაბიშვილი



მინიორა?!.

იუმორისკა

ბანცხადმბაჲე პასუხის მიღების იმედი რომ გადამეწურა,
პირადად მივედი იმ დაწესებულებაში. ტანწერწერა მდივანი დამხვდა.
იღვა დერმატინაკრულ კარებში. შევატყვე, საიმიხლო ფორმაში არ ვი-
ყავი, რომ პირისპირ აღმოვჩენილიყავი ოფიციანტთან და „საჭარიმო
მოუღწიდან“ მოსაცდელ სკამზე გადავიწველ.

— უკაცრავად, სად არის ჩემი განცხადება? — ვკითხე მდივანს.
მან კარგა ხანი იქეჲა გასავალ-შემოსავლის წიგნებში და ბოლოს დი-
დი ამბით მახარა ადრეცხადის მისამართი...

მთავარი ინჟინერის ოთახის წინ სულ სამი მთხოვნელი იდგა. მდი-
ვანი სადღაც გაუჩინარდა.

ზუსტად ორი საათის შემდეგ გამოვიდნენ ოთახიდან „ხუთწუთი-
ანი თათბირის“ მონაწილენი. ზოგიერთი დერფენშიც განაგრძობდა
კამათს ვეწინდელი ფეხბურთის მატჩის შესახებ.

მთავარმა ინჟინერმა გარკვევით ვერაფერი მითხრა და მორიგი
საგზური ისევ სილაშაზის სალონიდან ახალმოცქირალებული მიხი
მდივანისაგან ავიღე:

განყოფილების გამგეს შესაშური მეხსიერება აღმოჩნდა — სამი
თვის წინ გადავციე გასარკვევად დარგის ინჟინერსო!..
ინჟინერი დაკავებული აღმოჩნდა. სასწრაფო პროექტზე მუშაობ-
ნო, — შიობხეს. სამხრობის შემდეგ, როგორც იქნა, შევიდმი მის კა-
ბინეტში.

— ბიუროკრატიაში — წამოიყვირა მან.
— აბა, სხვა რა შეიძლება ვუწოდოთ ყოველივე ამას?! — შევძა-
ხე გახარებულმა.

— შენ რა იცი, ამოხსნილი გაქვს?! — შემომხედა დაქვებით.

მაგიდაზე გადაშლილი ნახევრად შევსებული კროსვორდის დანახ-
ვაზე მთელი დღის ნაშრომისა და ნერვებდაწყვეტილს უცებ თვა-
ლები ამიჭრელდა და ბედად იქ მდგარ სავარძელში ჩავესვენე. გონს
რომ მოვედი, კროსვორდი ამოხსნილი ჰქონდა და წარმატებით გახა-
რებულმა თვითონ მიმაცილა ოთახამდე იმ თავისი კოლეგისა, რო-
მელსაც შევბუღებაში წახვლის მიზეზით გადააწერა აღნიშნული
ანცხადება.

ახლაზრდა კაცი ჩემმა გამოჩენამ გაახარა.
— აგაშენა ღმერთმა! ა, კალამი, დაქეი და მეორედ დაგვიწერე
შენი თხოვნა! ამის წაითხვა უკვე შეუძლებელია! — მითხრა მან.

უამრავი რეზოლუციით გადაჭრელებული პატარა ფარაბინა ქა-
ლადის დანახვაზე თვლები ხედავით უკვე ამიჭრელდა და ვერაფრით
ვღარ გავიხსენე, რა მინდოდა, რას ვითხოვდი?!

შოთა ქალეხსაშვილი
(ქარელის რაიონი)

გამოცანები ინდინათმშენებლობაში

ფელატონი

სიტყვა ინდივიდუალური, მოგეხსენებათ, უცხოურია და ჩვენს ენაზე კერძო, ცალკეული პირის მიერ წარმოებულს, შესრულებულს, არაკოლექტიურს ნიშნავს. ჰოდა, როდესაც ეს სიტყვა მეორე, უკვე ქართულ სიტყვა მშენებლობას შეუწყვილეს, რაც თავისთავად მეტწილად ბინის ცნებასთან არის დაკავშირებული, წინადადება ამგვარად ჩამოყალიბდა: **ინდივიდუალური ბინათმშენებლობა**. პირველით განიყო სიტყვა! — გვეუბნება ცხოვრების დიდი წიგნი და რამეთუ სიტყვას საქმე მოსდევს, ზემოაღნიშნული წინადადებაც გადაიქცა საქმედ. მიახლოებით ამგვარად გაჩნდა ქვეყნად ინდივიდუალური ბინათმშენებლობის უამრავი სამმართველო, რომელთა ერთადერთი და გადაუღებელი ამოცანა გახლდათ კერძო ბინათმშენებლობა და არა გამოცანების თხზვა. თუმცა, დროის დინების მიხედვით თუ სხვა ქვეყნა მიზნებით, როგორც ბევრმა ვინმემ და რამემ, ამ სახელწოდების დაწესებულებამაც განიცადა მეტამორფოზა, ანუ როგორც დღესთვისაა მიღებული, თვითნებურად მიიკეთვნა სულ სხვა სტატუსი.

ამგვარად ერთ-ერთი მათგანის, კერძოდ სამტრედიის ინდინათმშენებლობის სამმართველოს მუშაობის ზოგიერთ დეტალს ვაგაძნობთ. შევეცდები, ავხსნა, თუ როგორ იქნა გაგებული აქ სიტყვა **ინდივიდუალური**.

ერთი წუთით წარმოიდგინეთ, რომ თქვენ ხართ სამტრედიის რაიონის მცხოვრები და გნებავთ სახლის აშენება ან მისი შეკეთება. რაკი რაიონში არსებობს ზუსტად ამ დანიშნულების დაწესებულება, ბუნებრივია მიაკითხავთ მას. მიაკითხავთ და არცთუ უმისამართოდ, რადგან, როგორც უკვე ითქვა, ამ დაწესებულების პირდაპირი და ერთადერთი დანიშნულება ის გახლავთ, რომ მოსახლეობისაგან მიიღოს მსგავსი შეკვეთები.

მკარებელმა იქნება იმის განცხადება, თითქოს აღნიშნულ დაწესებულებაში უგულისყურად მოგაკიდონ! პირიქით. ზრდილობისა და სათნოების უჩვეულო მაგალითია სამმართველოს თითოეული მუშაკის მოპყრობა. მოგეცათ ლხენა, კარგია, როცა ზრდილობიან ხალხთან გიხდებათ საქმის დაჭერა, მაგრამ საბოლოო იმედგაცრუება აჭარწყლებს ამ კოსტიუმირებულ კეთილშობილებას.

— ხეტყე, ცემენტი, რკინის ნაწარმი, გადასახურავი ფიქალი (შიფერი) არ გაგაჩნია.. არც გვაქვს და არც ველით მოკლე ხანში — გეტყვიან აქ და ნათქვამში თანადგომაც იქნება და თანაგრძნობაც.

ასეთი პასუხი, რაღა თქმა უნდა, უკმარისობის გრძობას გავიჩნთ. მაგრამ შეიძლება იმის სურვილიც აღგვიძრათ. ჩიხვდით მათ საქმიანობაში, თუ ჩავახედვს, რასაკვირველია.

რაც შეეხება ოსტატს, მშენებელს, იგი ხომ არა და არა ჰყავთ. ამას ის გვათქმევინებს, რომ ამ დაწესებულების არსებობის მანძილზე სანთლით სამებნია მისი ოსტატების აშენებული საცხოვრებელი სახლი! აბა, გადახედოთ დაწესებულების ხელფასის უწყისებს. იცოცხლეთ, აქ შავით თეთრზე ნახავთ ჩამწკრივებულს! ხურბებს! რკინის დამუშავების ოსტატების, მღვსავების და სხვათა ცხრილებს, რომელთა გასწვრივ სოლიდური თანხებია ჩამორიგებული. ეს საქმის ერთი მხარეა და, ალბათ, სათანადო დანიშნულების ორგანოები დანიტერესდებიან ამ გარემოებით!

რაკი ჩვენ სახლის აშენებას ვაპირებთ, ეკვვარეშა ასე უტბად არ დავყრივთ ფარ-ხმალს და მივყვეთ სამმართველოდან გასულ ბილიკებს. ისინი გავიყვანენ ქ. სამტრედიაში, სოფლებში — ილორში, დიდ ჩიხაიშა და სხვა ადგილებში. გაუმეორეთ უბნის პატრონებს (დიხს, პატრონებს და არა თანამშრომლებს, გამგებებს ან სხვებს!) თქვენი თხოვნა, რომ გასურთ ინდივიდუალური, კერძო სახლის აშენება.

აქ კი სამმართველოს მესვეურთაგან დიამეტრალურად განსხვავებულ პასუხს მიიღებთ. კერძოდ:

- გვაქვს, ბატონო, ყველაფერი გვაქვს, მაგრამ ფახების..
- მაინც როგორია თქვენი ფახები?
- შიფერი — ცალი 5-6 მანეთი, საკოჭე მახალა — 4-5 მანეთი, ცემენტი — 100-120 მანეთი, იატაკის მახალა 250-800 მანეთი..
- კი მაგრამ, ეს ხომ შავი ბაზრის..
- როგორ გეკადრებათ? (წინადადების დასაწყისი პათეტურია, დამარცხებელიც; საქმეში თქვენი ჩაუხედლობის გამო). ეს აშენების ფახია!

— ამიშენებთ? — სიხარულით აღმოგხდებთ.

— რას ბრძანებთ?!


პასუხი იმდევარად გაისმის, უადგილოდ მიიჩნევთ ყოველგვარ შეპასუხებას, მაგრამ ერთი კითხვა მაინც შეიძლება გაგიჩნდეთ: რატომ არა ჰყავთ მშენებელი ოსტატები და რატომ ყილიან სამშენებლო მახალბეს შავი ბაზრის ფახებში? ან საიდან იწვრება მშენებლების ხელფასი, როცა ისინი ფაქტობრივად არაფერს აშენებენ? აქ მართლაც რომ დიდი შრომა დასჭირდება დანიტერესებული ორგანოების მუშაკებს იმის დახადგენად მაინც, თუ სად მუშაობენ ის მშენებლები, ინდინათმშენებლობაში რომ დებულნი არიან ხელფასს?!

დავით ასკურავა



ნ.ბ. ბ. შუბაშვილისა

ს.გ.



მადანია



— აილე ხომ საპონი?
— ავილე, მაგრამ ბერლინის ალება არ გამჭირვებია ასე!

სამშობლოს მოყვარული

სამშობლოს სიყვარული ხომ სუყველას ვალია, ოდიდან ცნობილია. ის, განა ახალია!

სიყვარული მშობლიურ ნაამაგრის ზღვა არის და სამშობლო გიყვარდეს — საკვირველი რა არის?!

დაიზარებთ, ამაგი იმ მიწას მოახმაროთ, რომელიც გაგიხდიათ თქვენ არსობის სამყაროდ?!

თავის ქვეყნის სიმდიდრე ზოგს იმიტომ ახარებს, რომ იმის დოვლათებზე ის საფუძვლებს აშენებს! —

მომხვეჭელობს, ეს საქმე თავბრუს ახვევს, თან ალხენს, ხოცავს ნადირ-ფრინველებს, წყლებში ეძებს კალმანებს!..

ბუნების სილამაზეც გულგრილს როგორ აშყოფებს, ბალ-ბოსტნებსაც დაუვლის, კვირტში იღებს ნაყოფებს!..

სახალხო საქმეებსაც იგი განა გაურბის, ყველგან წინა რიგშია, სადაც ეს მას გაუღის!

ფუძის გასამტკიცებლად წვეულებებს ატარებს, დიდ უანწებსაც იწაფებს, თუმც მასარვინ აძალებს!..

სამშობლოს სიყვარული სადაც მიდის, თან დააქვს ყველგან მის დოვლათების დაუმცხრალი მადა აქვს!..

ზოგიც კიდევ სულ სხვაა, არსებაა საბრალო და თუ რამე აკლია, თავისთავს დააბრალოს!

მძიმე ტვირთს ევიდება, იჩენს უნარს იშვიათს, — ეს იქ პირველ რიგშია, სად სხვას საქმის შიში აქვს!

დოვლათს როცა აგროვებს, ჩქარა ხვდება, რა უყოს: რაც მას სჭარბობს, მზადაა უქონელებს გაუყოს!


მეტი შრომა-ფუსფუსით ისე იღლებ-იწვება, გამა-სმაც ავიწყდება და მშიერი მიწვება!

საკუთარი კუჭიც კი მიხი უმადურია!.. რა ქნას კაცმა, თუ ხალხის სამსახური სწყურია?!

პოდა, ახლა, როცა ეს გმირები გავიცანით, ვცანით მათი ღვაწლი და დასახული მიზანი,

თუ გვთხოვენ შევავასოთ, დავეპყდებით ჩვენ განა?! — ვთქვათ: ორივეს უზომოდ უყვარს თავის ქვეყანა!

89-679



სატირისა და იუმორის
შურნალი „ნიანგი“ № 22
(1800) ნოემბერი. გამოდის
1923 წლის ივნისიდან.

მთავარი რედაქტორი
ზაურ გოლჭავაძე

სარედაქციო კოლეგია:

ავთანდილ ადგიშვილი
(პასუხისმგებელი მდივანი),
ჭაბუა ამირეჯიბი, ნოზა
ბარათია, ბორის გურგუ-
ლია, რევაზ თვარაძე, ჭმალ
ლოლუა (მხატვარ-რედაქ-
ტორი). ნოდარ მაღაზონია,
ალექსანდრე საშხონია, ბე-
ჟან სიხარულიძე (მთავარი
რედაქტორის მოადგილე),
ჯანსუღ ჩარკვიანი, თამაზ
წიფწივაძე, ნაფი ჯუსოიტი.

ტექნიკური რედაქტორი
ირაკლი ღუნდუა

გადაეცა ასაწყობად
23. 10. 89 წ. ხელმოწერი-
ლია დასაბეჭდად 21. 11.
89 წ. ქალაქის ზომა
60x90¹/₈, ფიზიკური ნაბეჭ-
დი ფურცელი 1,5. სააღ-
რიცხვო-საგამომცემლო თა-
ბახი 1,9. საქართველოს კ-
ცკის გამომცემლობა, ლე-
ნინის 14. შეკვ. 2347.
უე 04731. ტირაჟი 130100.
ჟურნალი გამოდის თვეში
ორჯერ. რედაქციაში შემო-
სული მასალები ავტორებს
არ უბრუნდებათ.

ჩვენი მისამართი: 880008.
თბილისი-8, რუსთაველის
პროსპექტი № 42.

ტელეფონები: მთავარი
რედაქტორის — 99-55-54,
მთ. რედ. მოადგილის —
93-19-42, პ/მგ მდივნის —
93-10-78, მხატვარ-რედაქ-
ტორის — 99-02-38, გან-
ყოფილებათა გამგეების —
93-49-32, რედაქტორ-ლიტ-
მუშაეების — 99-02-38,
მდივან-მე მ ა ნ ქ ა ნ ი ს —
99-76-69.

სატირიკო - юмористиче-
ский журнал «НИАН-
ГИ» (На грузинском
языке). Тбилиси, пр. Ру-
стваели № 42. Издаель-
ство ЦК КП Грузии,
ордена Трудового Крас-
ного Знамени типогра-
фия издательства ЦК
КП Грузии, Тбилиси,
улица Ленина № 14.

ფასი 20 კაპ.

ინდექსი 78187



საქართველოს
შტატიკოგრაფიული
ქარხანა
№ 679
28.XI.1989

ი. გვილაქია